

**Ataatsimiinnerup ammarneqarnera**

(Inatsisartunut sivisunerpaamik ilaasortaasimasut angajullersaat)

Inatsisartut 2011-mi ukiakkut ataatsimiinnerat maanna ammarneqarpoq.

Nuannaarutigeqaara nuannersumik aasarsioreerluta nukissanillu nutaanik katersereerluta Inatsisartunut ilaasortaqtikka Inatsisartut ukiuata aallartinneranut matumunnga ullumi maanga ataatsimiittarfitsinnut tikilluaqqusinnaagakkit. Ataatsimiinnermi oqaluuserisassat pingaarutillit oqaluuserisussaavagut, neriutigaaralu suleqatigiilluarnitsigut angusaqarfiulluurtumik oqaluuseriumaarivut.

Naalackersuisut inatsisiliortullu suleqatigiilluarnissaannik kissaateqarlunga taamatuttaaq Naalackersuisunut ilaasortat qamannga pisumik tikilluaquakka.

Taamatuttaaq nuannaarutigaara Inatsisartut Ombudsmandiat kiisalu Naalagaaffiup Sinniisaa tikilluaqqusinnaagakkit.

Taamatullu aamma tusagassiortut ataatsimiinnermik malinnaasut tikilluaquakka.

Sineriatsinni isortoqisumi nunaqqativut tamaasa radiukkut inatsisartullu nittartagaatigut Inatsisartut ataatsimiinnerannik malinnaasut pinngitsoorusunngilanga aamma tikilluaqqussallugit.

Ilisimatitsissutigissavara Inatsisartunut Naalackersuisunullu ilaasortat tamarluinnangajammik ataatsimiinnerup ammarneqarnerani najuummata.

Inatsisartunut ilaasortaq Per Berthelsen, Siumut, piffissaligaanngikkallartumik napparsimanini pissutigalugu sulinngiffeqarpoq, taamaattumillu sinniisusnaanik aggersaanissaq Siulittaasoqarfiup akuerisimallugu.

Qinigaanerup Misilinneqarnissaanut Ataatsimiititaliap Siumup sinniisusfaatitaata Jens Immanuelsenip qinigaasinnaanera akuersissutigisimavaa.

Per Berthelsenimut sinniisussatut Jens Immanuelsen ulloq 16. september 2011-miit Inatsisartut ataatsimiinneranni peqataanissaa Inatsisartut akuersissutigissagaat matumuuna inassutigaa.

Akerliusoqarnerluni.....

Jens Immanuelzen tikilluarit, Inatsisartuni inissannut ingissinnaavutit.

Pisarneq malillugu Inatsisartut sinnerlugit Ataqqinartorsuaq Dronning Margrethe ilaqutaalu, danskit Folketingiat, Savalimmiuni Lagtingi, Islandimi Altingi Nunavummilu inatsisartut Inatsisartut ukiuanni nutaami pitsaasumik suleqatigiittuarnissamik kissaateqarlunga inuulluaqqussuteqarfigaakka.

Taamatut oqaaseqarlunga najuuttut tikilluaqqoqqippakka. Neriuppunga ataatsimiinnivut pitsaasumik inerititaqarfiusumillu ingerlakkumaarivut, ataatsimiinnermilu anguniakkavut angujumaarivut.